

分堅強精進最上妙善法林中出不可思議無量禪定福德業成善寂調心以爲師匠畢竟不壞大悲所攝以四攝法廣度致遠以智慧力防諸怨賊善方便力種種合集四大梵行以爲端嚴四正念處爲金樓觀四正勤行四如意足以爲疾風五根善察離諸曲惡五

力彌浮七覺覺悟能破魔賊入八真正道隨

意到岸離外道濟止爲調御觀爲利益不著

二邊有因緣法以爲安隱大衆廣博無盡辯才廣布名聞能濟十方一切衆生而自唱言來上法船從安隱道至於涅槃度身見岸至佛道岸離一切見如是普明菩薩摩訶薩應

益智故除滅戲論具福德故樂住獨處身心離故不處憤闇離惡人故深求於法依第一義故求於智慧通達實相故求於真諦得不壞法故求於空法所行正故求於遠離得寂滅故如是普明是爲菩薩疾成佛道說是經時普門菩薩大迦葉等諸天阿修羅及世間人皆大歡喜頂戴奉行

大寶積經卷第一百一十二

字二

大寶積經卷第一百一十三

字三

北涼沙門釋道襲於張掖譯

寶梁聚會第四十四之一

字一

沙門品第一

如是我聞一時佛在王舍城耆闍崛山中與大比丘衆八千人俱善薩摩訶薩萬六千人

字二

二十

皆不退轉於阿耨多羅三藐三菩提盡是一生補處悉從十方諸佛世界而來集會尔時摩訶迦葉白佛言世尊所言沙門云何爲沙門佛告迦葉所謂沙門者寂滅故調伏故受教故戒身淨故入禪定故得智慧故解如實義得解脫故於三脫門無所疑故安住聖人

所行法故善修四念處故離一切不善法故安住四正勤故善修四如意足故成就信根故信佛法僧故成就堅信於佛法僧故不信餘道法故勤行離一切煩惱故善修七菩提分離一切不善如實修一切善法故善知正念正智方便故專念一切諸善法故善知定慧方便故成就五力故不爲一切煩惱之所亂故善修七菩提分故善知一切法中因緣方便故善知聖道方便故善知正見正定方便故得四辯力不信外道故依義不依語依智不依識依了義經不依不了義經依法不依人故離四魔故善知五陰故斷一切煩惱

故得最後身故離生死道故離一切愛故勤行知苦斷集證滅修道故善見四聖諦故於佛法中不信餘道故所作已辦故斷一切漏故修八背捨故釋梵天王之所讚故從本已來專心行道故樂阿蘭若處故安住聖法中故樂佛法儀式故心不傾動故不親近出家

在家眾故心樂獨行如犀角故畏於人衆多惱亂故樂住獨處故常怖畏三界故得實沙門果故離一切希望故離出入法故所謂利衰毀譽稱譏苦樂堅心不動如地故護彼我意無所犯故不濁故正行故心行成就如虛空故於諸形相心無染著如虛空中動手無

所礙故迦葉若能成就如是行法是名沙門尔時摩訶迦葉白佛言世尊未曾有也如來善說沙門德行世尊若未來世有諸沙門非實沙門自言我是沙門非梵行人自言我有梵行如是之人即已侵損如來無量阿僧祇劫所修集阿耨多羅三藐三菩提佛告迦葉

如是侵損如來菩提之罪說不可盡迦葉我滅度後汝及餘大弟子等亦皆滅度又此世界諸大菩薩皆至他方諸佛世界余時於我法中當有比丘於諸所行心多詭曲迦葉我今當說沙門之垢沙門過罪迦葉復末法中富有比丘不修身不修戒不修心不修慧癡

如小兒向於閻冥而無所知心不調伏成沙門垢迦葉云何沙門垢迦葉沙門之垢有三十二出家之人所應遠離何等三十二欲覺是沙門垢瞋覺是沙門垢惱覺是沙門垢自讚是沙門垢毀他是沙門垢邪求利養是沙門垢因利求利是沙門垢損他施福是沙門

業報是沙門垢畏三脫門是沙門垢謗深妙法不寂滅行是沙門垢於三寶中心不尊敬是沙門垢迦葉是名沙門三十二垢若能離此諸垢是名沙門迦葉又有八法覆沙門行何等八一者不敬順師長二不尊敬法三不善思惟四所未聞法聞已誹謗五聞無衆生

字三

三

垢覆藏罪過是沙門垢親近在家人是沙門垢親近出家人是沙門垢樂於衆鬧是沙門垢未得利養作方便求是沙門垢於他利養心生希望是沙門垢自於利養心不知足是沙門垢於他利養中心生嫉妒是沙門垢常求他過是沙門垢不見已過是沙門垢於解脫

具足者乃名爲沙門迦葉沙門身服袈裟心應遠離貪恚癡行何以故心無貪恚癡行我乃聽著袈裟迦葉若心有貪恚癡法而身著袈裟除專心持戒餘不持戒人則爲燒滅袈裟何以故聖人表法隨順寂滅行慈悲心離欲滅者之所應服迦葉汝今聽我說聖人表

式有十二事何等十二迦葉持戒是聖人表式禪定是聖人表式智慧是聖人表式解脫是聖人表式解脫知見是聖人表式入四聖諦是聖人表式能解十二因緣是聖人表式行四無量心是聖人表式行於四禪是聖人表式行四無色定是聖人表式入四向正定是聖人表式斷一切漏是聖人表式迦葉是名聖人十二表式迦葉若有比丘不具足聖人十二表式身服袈裟者我說此比丘是邪法行非寂滅行離佛法行不近涅槃順生死行爲魔所拘不度生死於正法退而行邪法迦葉是故出家比丘身服袈裟時若未得沙

門果者應以八法敬重袈裟何等八於身袈裟應起塔想世尊想寂滅想慈想敬如佛想慚想愧想令我來世離貪恚癡具沙門法想迦葉是名八法敬重袈裟迦葉若有於四聖種不行知足離沙門法亦不以此八法敬重袈裟者而彼別有似沙門數墮小地獄迦葉字三

四

彼地獄中似沙門者於中受罪衣鉢支體皆悉熾然坐卧之處凡有所用物亦皆熾然如大火聚似沙門者受如是罪何以故成就不淨身口意業故墮是罪處迦葉若非沙門自言我是沙門非梵行者自言我有梵行若有持戒功德具足人所右遶恭敬尊重者若破戒比丘受其禮敬供養而不自知惡彼惡比丘以是不善根故得八輕法何等八一作愚癡二口瘡痘三受身矬陋四顏貌醜惡其面側戾見者嗤笑五轉受女人身作貧窮婢使六其形羸瘦夭折壽命七人所不敬常有惡名八不值佛世迦葉是破戒比丘受持戒者

禮敬供養得如是八輕法迦葉破戒比丘聞如是法已應當不受持戒比丘禮敬供養迦葉若有非沙門自言我是沙門非梵行自言我有梵行於此大地乃至無有涕唾分處況舉足下足去來屈申何以故過去大王持此大地施與持戒有行德者令於中行道迦葉

是破戒比丘舉足下足處一切信施不及此人況僧坊及招提僧舍經行之處若有房舍床敷園林所有衣鉢卧具醫藥一切信施所不應受迦葉我今當說若有非沙門自言我是沙門非梵行自言我有梵行不能必報信施如一毛端何以故聖衆福田猶如大海最

字三

五

妙最勝於中若有施主淨心信故以施種子種福田中如此施主起無量施想迦葉若有破戒比丘始分一毛以爲百分若惡比丘受信施如一毛分隨所受毛分即損失施主余所大海福報之分不能畢報迦葉是故應淨其心受他信施迦葉應如是學尔時衆中有

淨行少欲離垢比丘二百人聞說是已救渙而白世尊我今當死不欲以不得沙門果受他信施乃至一食佛言善哉善哉善男子汝如是慚愧畏於後世喻如金剛即是現世纓絡善男子我今當說世有二人應受信施何等二一者勤行精進二者得解脫者佛告比

丘若有比丘得解脫者行善法者如我所說堅持戒者觀一切行無常苦一切法無我者觀涅槃寂滅願求欲得如是比丘受他信施搏如湏彌必能報是信施之福若有比丘受信施主施令此施主得大利益得大果報何以故常生福德有三種福一常施食二僧坊舍三行慈心此三福中慈心最勝佛告比丘若有比丘從施主受施若衣鉢卧具飲食湯藥受已若入無量定令彼施主得無量福得無量報迦葉譬如三千大千世界所有大海尚可竭盡而此施主所得福報不可得盡迦葉當知破戒比丘損於施主尔所福德若受

施主施已行於惡法損他信施迦葉如是說沙門垢沙門過罪沙門詔曲沙門中賊迦葉持戒比丘應當專念遠離如是一切惡法迦葉所謂沙門者眼不流色中耳鼻舌身意不流法中是故謂之沙門擇選六入了達六通專念六念安住六敬法行六重法是謂沙門

比丘品第二

余時佛告迦葉所言比丘比丘者能破煩惱故名比丘破我想衆生想人想男想女想是謂比丘復次迦葉有修戒修慧是名比丘復次迦葉離恐畏故度三有四流故見有及諸過患故離一切有及流故安處無畏道故

卷三

六

是名比丘迦葉若有比丘自知不成就如是之法及餘善法又離是法行於餘道迦葉彼比丘非我弟子我非彼師迦葉多有惡比丘壞我佛法迦葉非九十五種外道能壞我法亦非諸餘外道能壞我法除我法中所有癡人此癡人輩能壞我法迦葉譬如師子獸中

之王若其死已虎狼鳥獸無有能得食其肉者迦葉師子身中自生諸虫還食其肉迦葉貪利所覆不滅惡法不修善法不離婬語迦葉如是比丘能壞我法迦葉有四法成就當知是惡比丘何等四貪恚癡及我慢者是名惡比丘復有四法成就當知是惡比丘何等四傲慢自大無慚無愧不慎口過是名惡比丘復有四法成就當知是惡比丘何等四掉動輕他貪求利養多行非法是名惡比丘復有四法成就當知是惡比丘何等四多有奸偽幻惑於人多行邪命多說惡言是名惡比丘復有四法成就當知是惡比丘何等四現受他恩不知報之小恩於他責望大報先受他恩而不憶念侵損親友是名惡比丘復有四法成就當知是惡比丘何等四受人信施失他福報不善護戒輕所受戒不堅持律是名惡比丘復有四法成就當知是惡比丘何

等四有我論有衆生論有命論有人論是名惡比丘復有四法成就當知是惡比丘何等四不敬佛不敬法不敬僧不敬戒是名惡比丘復有四法成就當知是惡比丘何等四若僧和合而心不悅不樂獨處樂於衆中常論世俗所有言說是名惡比丘復有四法成就

當知是惡比丘何等四求於利養求大名稱求多知識不住聖種是名惡比丘復有四法成就當知是惡比丘何等四繫屬於魔爲魔所害多於睡眠作善不喜是名惡比丘復有四法成就當知是惡比丘何等四於佛法中朽敗心懷諛謠爲煩惱所害離沙門果是名惡比丘復有四法成就當知是惡比丘何等四爲婬欲所燒瞋恚所燒愚癡所燒亦爲一切煩惱所燒是名惡比丘復有四法成就當知是惡比丘何等四多遊婬里不知過惡不知知足雖多學問不知知足於所湏物常懷慳心不能施他是名惡比丘復有四法成就

當知是惡比丘何等四從闇入闇從癡入癡不見聖諦多生疑惑常爲生死之所繫縛閉涅槃門是名惡比丘復有四法成就當知是惡比丘何等四身多奸行口多奸行意多奸行儀式多奸行云何身多奸行安詳而行是身奸行不左右視是身奸行若左右視不過

一尋是身奸行邪命著衣是身奸行諛謠行於空閑之處不求空閑所行之法諛謠乞食不觀乞食相諛謠著糞掃衣不知爲慚愧故諛謠行於山窟樹下不知分別十二緣行諛謠服於陳故棄藥不求甘露法藥迦葉是名身多奸行迦葉云何口多奸行他識我他請我如所求我已得我不求利養而他送與我細妙供養我皆得多利養我亦得我常行善法應受供養我善問答我能順法相我逆法相我於一切法解義非義他若如是問我我能如是答答已伏彼令其嘿然我說是已能令大衆一切喜悅亦令一切歡言善哉令

字三

八

彼衆人請我供養得供養已復令施主請我數來迦葉若有不調伏口而有所說一切所言皆非正言是口多奸行迦葉是名口多奸行迦葉云何意多奸行心所牽連貪求利養衣鉢卧具飲食醫藥而口說言一切利養我所不須心實多求而詐言知足是名意多奸

行余時世尊而說偈詩

心求利養口言知足邪命求利常無快樂
其心多奸欺誑一切如此之心都不清淨
諸天龍神有天眼者諸佛世尊咸共知見
迦葉如是惡比丘離善法儀式作邪命行墮三惡道

所敬者比丘比丘尼優婆塞優婆夷天龍鬼神及乾闥婆知其破戒行惡法故迦葉是名沙門旃陀羅迦葉如旃陀羅所有衣服飲食諸所用物盡非好人之所愛樂亦不受用迦葉如是沙門旃陀羅若有衣鉢所用之物皆是破戒非法身口意業諛謗所得持戒沙門

字三

九

婆羅門捨不愛樂亦不受用於此人所生哀愍心迦葉是名沙門旃陀羅迦葉如旃陀羅以愧耻心持所用器從他乞食迦葉如是沙門旃陀羅以愧耻心入於房舍及至他家或到衆中亦以愧心至於佛所亦以愧心禮如來塔亦以愧心去來屈申亦以愧心行住坐

旃陀羅品第三

佛告迦葉云何旃陀羅沙門迦葉譬如旃陀羅常於冢間行求死屍無慈悲心視於衆生得見死屍心大喜悅迦葉如是沙門旃陀羅常無慈心至施主家行不善心所求得已生貴重心從施主家受利養已不教施主佛法

卧一切所行皆有愧心覆藏惡法故迦葉我今當說旃陀羅人所至之處不到善處何以故自行惡法故迦葉如是沙門旃陀羅所至之處亦不到善道多作惡業無遮惡道法故迦葉是名沙門旃陀羅迦葉云何沙門敗壞迦葉譬如有酒香味具足者酒之醍醐酢取

已盡下有糟滓人所惡賤無所施用迦葉如是敗壞沙門離於法味取煩惱滓人所惡賤無所施用離持戒香臭諸煩惱若有至處不能自利亦不益他迦葉是名敗壞沙門迦葉敗壞者如有所食變爲糞穢臭惡不淨人所厭離迦葉如是敗壞沙門猶如糞穢以身口意業不清淨故迦葉是名敗壞沙門迦葉譬如意敗種種大地中終不生芽實迦葉如是敗壞沙門雖在佛法不生善根不得沙門果迦葉是名敗壞沙門迦葉云何沙門箇迦葉譬如意畫箇巧工所成中盛臭穢種種不淨迦葉如是沙門箇外現成就似沙門行內有種種

垢穢行諸惡業迦葉是名沙門箇迦葉云何沙門构欄茶迦葉譬如有构欄茶花色貌鮮好其體堅韌猶如木石其氣臭穢猶如糞塗有智之人若見此花不近不觸遠避而去愚人若見不知過患近而觸之迦葉如是沙門构欄茶現似沙門行而有鹿續懶慢自高臭穢

字三

十

不淨又作破戒無儀式行破於正見迦葉如是沙門构欄茶智者不親近不禮敬右達以惡人故而遠離之迦葉若有癡如小兒彼諸癡人之所親近禮敬右達信受其語如构欄茶花爲癡人所捉迦葉是名沙門构欄茶迦葉云何沙門求利迦葉譬如有諛謠之人心常慳惜爲貪所覆若見他財物希望欲得畜利刀仗無慚愧心無哀愍心常有害心若行空澤山林聚落發如是心於他財物希求欲得常自藏身不令他見迦葉如是沙門求利心常慳惜爲貪所覆於所得利心無知足於他財物希望欲得有所至處聚落城邑常爲利

養不爲善法覆藏諸惡謂善比丘知我破戒
知已若說戒時或駁我出於善比丘但生恐
畏心常諛謗現行儀式一切天龍鬼神有天
眼者知此比丘來時賊來去時賊去行時賊
行坐時賊坐卧時賊起時賊起取衣時賊
取衣著衣時賊著衣入聚落時賊入聚落出
聚落時賊出聚落食時賊飲食時賊飲剃髮
時賊剃髮迦葉如是癡人去來儀式皆爲天
龍鬼神之所知見見已訶罵如此惡人即爲
壞滅釋迦牟尼佛法作是訶責諸惡比丘又
彼諸天龍鬼神見持戒梵行沙門婆羅門增
益信心禮敬尊重此人於佛法中應受利養

三

上

者迦葉此沙門求利於佛法中出家不能生
一念寂滅離欲之心況得沙門果若有得者
無有是處迦葉是名沙門求利迦葉云何稗
沙門迦葉譬如麥田中生稗麥其形似麥不
可分別尔時田夫作如是念謂此稗麥盡是
好麥後見穗生尔乃知非不得名言一切是

麥迦葉如是無沙門在於衆中似是持戒有
德行者施主見時謂盡是沙門而彼癡人實
非沙門言是沙門非梵行人自言梵行先來
敗壞雖於持戒亦不入衆數於佛法中無智
慧命當墮惡道猶如稗麥在好麥中尔時天
龍鬼神有天眼者見彼癡人墮於地獄見已

各相謂言此是癡人先似沙門行不善法今
當墮於大地獄中從今已後終不能得沙門
德行及沙門果猶如稗麥在好麥中迦葉是
名稗沙門迦葉云何逋生沙門迦葉譬如逋
生稻苗以不熟故名爲逋生以無實故風所
吹去無堅重力似稻非稻迦葉如是逋生沙
門形似沙門無人教呵無有德力爲魔風所
吹亦無血氣持戒之力離於多聞損失定力
亦遠於智不能破壞諸煩惱賊名如是人輕
劣無力繫屬於魔爲魔所拘沒在一切煩惱
之中爲魔風所吹如逋生稻迦葉逋生之稻
不中爲種亦不生芽迦葉如是逋生沙門於

佛法中無道種子於賢聖法中不得解脫迦葉逋生沙門者所謂破戒行惡是名逋生沙門迦葉云何形似沙門迦葉譬如巧工以金塗銅其色似金價不同金若揩摩時乃知非金迦葉如是似沙門者好自嚴飾常潔浴身齊整著衣沙門儀式一切具足去來屈申常

正儀式而彼常爲貪恚癡所害亦爲利養禮敬讚歎所害亦爲我慢增上慢一切煩惱所害雖爲人所貴無貴重法常勤嚴身慚望飲食不求聖法不畏後出現見尊重非將來尊重但長肌肥依於利養非依於法種種繫縛勤作家業順在家心亦隨所受苦時受苦樂

三

二

時受樂爲愛憎所害於沙門法無心欲行離諸儀式必當墮於地獄餓鬼畜生彼人無沙門實無沙門稱不與沙門等迦葉是名似沙門迦葉云何失沙門血氣迦葉譬如男子若女人若童男若童女非人食其血氣彼人羸瘦無有色力由失血氣故迦葉如是之人失

血氣故諸藥呪術及諸刀仗所不能治必至死迦葉如是沙門無有持戒定慧解脫解脫知見血氣及慈悲喜捨血氣亦無行施調伏護身口意業血氣亦無安住四聖種血氣無有儀式血氣亦無淨身口意血氣迦葉是名沙門失於血氣迦葉如失血氣沙門雖受如來法藥不以自度法藥者所謂若起姪欲應觀不淨若起瞋恚應行慈心若起愚癡應觀十二因緣於諸煩惱應正思惟離於樂衆捨我所有出家三事應當受護三事者所謂持戒清淨其心調伏入定不亂迦葉如是法藥我之所說我所聽服雖受此藥不以自度迦葉又有出世法所謂空觀無相無作觀陰界入知四聖諦及十二因緣迦葉如是法藥被人亦復不以自度迦葉如是沙門臭穢不淨以破戒故薄福德故生極下處以憍慢故於此命終不生餘處必當墮在大地獄中如人失於血氣必定至死如是少門於此命終

三

三

必墮地獄迦葉是名失血氣沙門如是說已五百比丘捨戒還俗尔時有諸比丘呵彼比丘言若大德於佛法中退還家者如是非善如是非法佛告諸比丘莫作是語何以故若如是者名爲順法若比丘不欲受人信施退還家者是名順法彼諸比丘信解心多故生悔心說此語時彼得聞已作如是念我等或能行不淨行受他信施應生悔心退而還家迦葉我今說此諸比丘等於此命終生兜率天彌勒菩薩所彌勒如來出於世時彼諸比丘在初會數中

營事比丘品第四

爾時摩訶迦葉白佛言世尊云何比丘能營衆事佛告迦葉我聽二種比丘得營衆事何等二一者能淨持戒二者畏於後世喻如金剛復有二種何等二一者識知業報二者有諸慚愧及以悔心復有二種何等二一者阿羅漢二者能修八背捨者迦葉如是二種比

丘我聽營事自無瘡疣何以故迦葉護他人意此事難故迦葉於佛法中種種出家種種性種種心種種解脫種種斷結或有阿蘭若或有乞食或有樂住山林或有樂近聚落清淨持戒或有能離四扼或有勤修多聞或有辨說諸法或有善持戒律或有善持毗尼儀式或有遊諸城邑聚落爲人說法有如是等諸比丘僧營事比丘善取如是諸人心相迦葉若阿蘭若比丘樂空閑處營事比丘一切役使不應令作有時阿蘭若比丘在比丘僧次役使而營事比丘應當代作若自不作應倩他人令代爲之不應役使阿蘭若比丘若非行道時可少令作迦葉若有乞食比丘被營事比丘於乞食比丘應與好食若有比丘能離四扼營事比丘隨所湏物應當供給所謂衣服飲食卧具醫藥若離扼比丘所住之處營事比丘於其住處不應高聲大喚亦不令他高聲大喚欲防護離扼比丘故營事比

丘於離扼比丘應生尊敬如世尊想生如是
念如是比丘於佛法中能作法柱當隨所湏
而供給之迦葉若有勤修多聞比丘營事比
丘應當勸喻作如是言大德勤修多聞讀誦
令利我當爲諸大德供給使今若諸大德勤
修多聞於比丘僧中是好纓絡能昇高座廣

說正法亦自生智慧營事比丘不應非時役
使應當擁護令修多聞迦葉若有說法比丘
營事比丘應事事供給應將說法比丘至城
邑聚落勸喻諸人令就聽法說法之處亦應
供給爲說法人敷好高座若有比丘強自以
力欲壞說法者營事比丘應往和解亦應數
往說法人所稱言善哉迦葉若有比丘善持
戒律善持毗尼義營事比丘應往其所數數
問義我云何營事令不得罪自無所損不害
於他持毗尼義比丘應觀營事者心隨所營
事而爲說法所謂是應作是不應作營事比
丘於持律人所一心生信禮敬供養若比丘

僧所有分物應當隨時供給於僧不應藏舉
隨僧所湏應當分與應與時與不惡心與不
以非法與非欲心與非瞋心與非癡心與非
畏心與隨僧法行非隨在家行隨僧制行非
自隨制行不於僧物生自在想乃至小事與
僧共斷非自在斷若所用物所謂常住僧物
及與佛物若招提僧物彼營事比丘應當分
別常住僧物不應與招提僧招提僧物不應
與常住僧常住僧物不應與招提僧物共雜
招提僧物不與常住僧物共雜常住僧物招
提僧物不與佛物共雜佛物不與常住僧物
招提僧物共雜若常住僧物多而招提僧有
所湏者營事比丘應集僧行籌索欲若僧和
合應以常住僧物分與招提僧迦葉若如來
塔或有所須若欲敗壞者若常住僧物若招
提僧物多營事比丘應集僧行籌索欲作如
是言是佛塔壞今有所湏此常住僧物招提
僧物多大德僧聽若僧時到僧忍聽若僧不

字三

五

惜所得施物若常住僧物若招提僧物我今持用修治佛塔若僧和合營事比丘應以僧物修治佛塔若僧不和合營事比丘應餘勸化在家人輩求索財物修治佛塔迦葉若佛物多者營事比丘不得以佛物分與常住僧及招提僧何以故於此物中應生世尊想佛

所有物乃至一線皆是施主信心施佛是故諸天世人於此物中生佛塔想而況寶物若於佛塔先以衣施此衣於佛塔中寧令風吹雨爛破盡不應以此衣貿易寶物何以故如來塔物無人能與作價者又佛無所湏故迦葉有如是善淨營事人者三寶之物不應令雜又於自利養心常知足三寶物中不生我所有想迦葉營事比丘若生瞋心而於持戒大德人所右遶禮敬之者以自在故駁令役使是故營事比丘以瞋心緣故墮大地獄若得爲人作他奴僕常爲其主苦駁役使人所鞭打復次迦葉若營事比丘以自在故更作

重制過僧常限謫罰比丘非時令作是營事比丘以此不善根故墮於多釤小地獄中生此中已以百千釤釤挖其身其身熾然出大火焰如大火聚若於持戒有大德者以重事怖之以瞋心語故彼營事比丘生地獄中其所得舌長五百由旬以百千釤而釤其舌一

字三

十六

一釤中出大火焰迦葉若營事比丘數得僧物慳惜藏舉或非時與僧或復難與或困苦與或少與或不與或有與者或不與者營事比丘以此不善根故墮穢惡餓鬼常食糞丸此人命終當生是中亦時更有餓鬼以食示之而復不與此鬼余時怖望欲得諦視此食目不曾駒受飢渴苦於百千歲中常不得食或時得食變爲糞屎或作膿血何以故有持戒人人所敬禮僧所有物以自在故而難與之迦葉若營事比丘以常住僧物若招提僧物及以佛物輒自難用得大苦報若受一劫若遇一劫何以故以侵三寶物故迦葉若營

事比丘聞如是罪知如是罪而故生瞋心於持戒者我今說此諸佛世尊所不能治迦葉是故營事比丘聞如是非法罪已應當善護身口意業自護亦護他迦葉營事比丘寧自噉身肉終不雜用三寶之物作衣鉢飲食尔時摩訶迦葉白佛言世尊未曾有也如來自

以慈心說如是法爲無慚愧者說無慚愧法
有慚愧者說慚愧法

土末

大寶積經卷第一百一十三

字三

大寶積經卷第一百一十四

字四

北涼沙門釋道襲於張掖譯

寶梁聚會第四十四之二

蘭若比丘品第五

爾時摩訶迦葉白佛言世尊若有比丘自言阿蘭若比丘世尊齊幾所名阿蘭若比丘齊

幾所名乞食比丘齊幾所名畜糞掃衣比丘齊幾所名樹下比丘齊幾所名家間比丘齊幾所名露處比丘佛告迦葉阿蘭若比丘必樂阿蘭若處住阿蘭若處迦葉若阿蘭若處所謂無大聲無衆鬧聲離麛鹿虎狼及諸飛鳥遠諸賊盜及牧牛羊者順沙門行處如是阿蘭若處應於中修行彼比丘若欲至阿蘭若處應當思惟八法何等八一者我當捨身二者應當捨命三者當捨利養四者離於一切所愛樂處五者於山間死當如鹿死六者阿蘭若處當受阿蘭若行七者當以法自活八者非以煩惱自活迦葉是名八法阿蘭若比丘所應思惟思惟已當至阿蘭若處迦葉阿蘭若比丘至阿蘭若處已行阿蘭若法以八行行慈於一切衆生生慈心何等八一者以慈利益二者以慈樂三者無恚慈四者正慈五者無異慈六者順慈七者觀一切法慈八者淨如虛空慈迦葉以如是八行於諸衆